

耳

張渙小兒耳中諸病由風入於腦停積於手太陽之
脉則令耳聾風與濕相搏則兩耳生瘡又兒稍大見
月初生以手指之則耳下生瘡者名月蝕瘡又乳母
與兒洗浴悞令水入耳中水濕停積搏於血氣蘊結
成膿謂之聾耳
聾耳者心腎之竅肝膽之經也心
腎主肉症精血不足肝膽主外證風熱有餘或龍蟬
或虛鳴者稟賦虛也或脹痛或膿痒者邪氣客也宜
賦不足宜用六味地黃丸
腎肝經風熱宜用柴胡清

肝散若因血燥用梔子清肝散

發熱

未應佐以六味

丸間服九味蘆薈丸

瘡

若因腎肝痞熱朝用六味丸

夕用蘆薈丸若因食積內熱用四味肥兒丸

瘡

若因

乳母膏粱積熱而致者宜加味清胃散

齒痛

脾經鬱

結而致者加味歸脾湯

驚悸

肝經怒火而致者加味道

遙散

虛熱

皆令乳母服之兼與其兒少許不可專於

治外不惟閉塞耳竅抑亦變生他證延留日久遂成

終身之贖矣慎之

寶鑑歌云太陽入耳損聽聰氣

滯時多耳必聾鳴是風并氣相繫痛應腦戶有邪風

有熱鬱蒸聾耳患日深疼痛出稠膿不有稠膿非此

患只因滴水入其中

聾巢氏云手太陽之經入於耳內頭腦有風入乘

其脉與氣相搏故令耳聾

聖惠治小兒風熱兩耳聾鳴方

遠志 去心

甘草 炙微赤剉

柴胡 去苗

菖蒲 各壹分

磁石 三分擣碎水淘去赤汁

麥門冬 去心焙半兩

右搗細羅爲散每服以葱白湯調下半錢日二服

量兒大小以意加減

張奐通鳴散 治耳聾

菖蒲

壹寸 節者 去心

遠志

壹兩 去心 各

柴胡

去苗

麥門冬

去心

防風

各半 兩

細辛

甜葶藶

各壹分

已上擣羅並為細末次入

磁石

壹分 藹碎 水淘去赤汁

杏仁

貳兩 湯浸 去皮尖研

右件都研勻每服半錢煎蔥白湯調下日二乳後

聖惠細辛膏

治小兒耳聾或因腦熱或因水入或因吹着並宜用此

因吹着並宜用此

細辛

防風

去蘆 頭

川大黃

剉微 炒

黃芩

各壹分

川椒

去目 拾粒

蠟

半兩

右件藥細剉用清麻油三合煎藥紫色濾過下蠟

候消爲膏每日三度用一大豆大點於耳中

聖惠治小兒耳聾不差方

甜葶藶

杏仁

湯浸去皮

鹽

各等分

右件藥擣研如膏以少許豬脂和合煎令稠以綿裹如麤核大塞耳中日一易之

又方

松脂

菖蒲

末

烏油麻

各半兩

右件藥相和擣熟綿裹如一紅豆大塞耳日一易

又方

菖蒲

朱壹分

杏仁

湯浸去皮尖研如泥半兩

右相和研令乳入每用少許綿裹肉耳中日一易

又方

右取葱白於塘灰中煨令熟以葱白頭內耳中日

三易

又方

蓖麻子

去皮拾枚

棗肉

一枚

同搗如膏每取麝核大綿裹

少許塞耳中日一易

又方

右搗芥子令爛以人乳和繇裹少許塞耳中日一

易之

香散 治沉耳

麝香 少許

白礬 壹錢 火燉

五倍子 貳錢

右件為末紙撚子點入耳中少許

耳鳴 巢氏云邪氣與正氣相搏故令耳鳴又即邪氣

停滯遂成聾也

菖蒲散 治小兒耳自鳴日夜不止

菖蒲 烏頭 炒各 肆分

右為末綿裹內耳中日再

耳痛


千金翼治耳疼痛方

附子治去皮

菖蒲

右三味等分裏塞之

證治見心部瘡瘍條

巢氏云耳宗脉之所聚腎氣之所通小兒腎藏盛而有熱者熱氣上衝于耳津液壅結即生膿汁亦有因沐浴水入耳內而不傾瀝令盡水濕停積搏於血氣蘊結成熱亦令膿汁出皆為之聾耳久不差即變成聾也

張渙紅藍花散

治聾耳久不差

紅藍花洗焙

黃檗剉各壹兩

烏魚骨

黃芩各半 已上搗羅爲細末次用

雄黃水磨細研半兩

麝香壹分研細

右件都研勻細以絲纏搵藥塞耳中日再換

田氏紅玉散 治小兒膿耳

枯白礬 乾臙脂

麝香各壹錢

右同研勻先以綿裹杖子擦淨摻之

湯氏龍黃散 治小兒停耳汁出不止

枯白礬 龍骨末

黃丹炒各半

麝香壹錢

右同研細先以綿杖子擦膿水盡用散一字半分

爲兩處吹入耳內日二次

丹停耳硫黃末傅之日一夜一妙

祕要用蚰蟥灰末吹入立效有瘡者傅之

孫真人方同

薛氏云諸外治方但可治腑證之輕者若係肝經風熱血燥等證必依前方論內服合宜之藥外用此以收膿濕亦無不可若專泥攻而失內治誤矣

百蟲入耳

詳見雜病準繩

五軟

五軟者頭軟項軟手軟脚軟肌肉軟口軟是也無故
不舉頭腎疳之病項脉軟而難收治雖暫瘥他年必
再發手軟則手垂四肢無力亦懶擡眉若得聲圓還
進飲食乃慢脾風候也尚堪醫治肌肉軟則肉少皮
寬自離喫食不長肌肉可服錢氏橘連丸_虛莫教瀉
利頻併却難治療脚軟者五歲兒不能行虛羸脚軟
細小不妨榮衛但服參耆等藥併服錢氏地黃丸_虛
長大自然肌肉充滿口軟則虛舌出口陽盛更須隄

防必須治漏却無妨唇青氣喘則難調治也

薛夫

頭軟者臟腑骨脉皆虛諸陽之氣不足也乃天柱骨
弱腎主骨足少陰太陽經虛也手足軟者脾主四肢
乃中州之氣不足不能營養四肢故肉少皮寬飲食
不爲肌膚也口軟者口爲脾之竅上下齟屬手足陽
明陽明主胃脾胃氣虛舌不能藏而常舒出也夫心
主血肝主筋脾主肉肺主氣腎主骨此五者皆因稟
五臟之氣虛弱不能滋養充達故骨脉不強肢體痿
弱原其要總歸於胃蓋胃水穀之海爲五臟之本六
腑之大源也治法必先以脾胃爲主俱用補中益氣

湯以滋化源頭項手足三鞭兼服地黃丸凡此證必
須多服二藥仍令壯年乳母飲之兼慎風寒調飲食
多能全形 **曾戴氏論五軀證名曰胎怯良由父精**
不足母血素衰而得誠哉是言以愚推之有因母血
海父冷用藥強補有孕者有受胎而母多疾者或其
父好色貪酒氣體虛弱或年事已邁而後見子有日
月不足而生者或投墮胎之劑不去而竟成孕者徒
爾耗傷真氣苟或有生譬諸陰地淺土之草雖有發
生而暢茂者少又如培植樹木動搖其根而成者鮮
矣由是論之嬰孩怯弱不耐寒暑縱使成人亦多有

疾爰自降生之後精髓不充筋骨痿弱肌肉虛瘦神
色昏慢才爲六淫所侵便致頭項手足身軟是名五
軟治法用調元散補腎地黄丸漸次調養日久乃安
若投藥不効亦爲廢人○有小兒體肥容壯不爲瘦
痺忽然項軟傾倒此名下竄皆因肝腎氣虛客邪侵
襲風府傳於筋骨故成斯疾蓋肝主乎筋腎主乎骨
筋骨俱弱則項軟垂下無力又名天柱倒與五軟相
類不遠治同前藥 吳江史萬湖子七歲患吐瀉顛
目頓陷天柱骨倒兼面赤色先用補中益氣湯加附
子一劑吐瀉止而諸證愈又用錢氏地黄丸料煎服

與安 一小兒七歲夏間過食生冷之物早間患吐

瀉面赤作渴手足並熱項軟顙陷午後面色頓白手
足並冷脉微欲絕急以六君子湯加附子一劑諸證
頓退顙頂頓起而安小兒元氣易虛易實故雖危證
若能速用對病之藥亦可回生者 一小兒九歲因
吐瀉後項軟面白手足並冷脉微細飲食喜熱余先
用六君子湯加肉桂五劑未應更加炮薑四劑諸證
稍愈面色未復又脉未起佐以八味丸月餘面色微
黃稍有胃氣矣再用前藥又月餘飲食略增熱亦大
減乃朝用補中益氣湯食前用八味丸又月餘元氣

漸復飲食舉首如常又月餘而肌肉充盛諸病悉愈
一小兒十二歲瘡疾後項軟手足冷飲食少思粥
湯稍離火食之即腹中覺冷用六君子湯加肉桂乾
薑飲食漸加每飲食中加茴香胡椒之類月餘粥食
稍可離火又用前藥百劑飲食如常手足不冷又月
餘其首能舉後飲食停滯患吐瀉項仍痿軟朝用補
中益氣湯夕用六君子湯及加減八味丸兩月餘而
項復舉畢姻後眼目昏花項骨無力頭自覺大用八
味丸補中益氣湯三月餘元氣復而諸證退後每入
房勞役形氣殊倦盜汗發熱服後一藥即愈一小

兒十五歲手足痿軟不能嚼堅物內熱晡熱小便
澀滯如淋服分利之劑小便如淋服滋陰之劑內熱
益甚服燥濕之劑大便重墜余謂此稟腎氣不足早
犯色慾所致故精血篇云男子精未滿而御女以通
其精五臟有不满之處異日有難狀之疾老人陰已
痿而思色以降其精則精不出而內敗小便澀痛如
淋若陰已耗而復竭之則大小便牽痛愈痛則愈便
愈便則愈痛止謂此也遂朝用補中益氣湯夕用六
味丸加五味子煎服各三十餘劑諸證漸愈後夢遺
諸證復作手足時冷痰氣上急用十全大補湯加減